

MEMORIA

20^o
18

CASARES-TOMASENE
LARRATXO
KULTUR ETXEA



DONOSTIA
SAN SEBASTIÁN



donostia
kultura



Amelimaga, Poltsiko Antzerkia

2

018a urte dinamikoa eta ustekabez betea izan zen Casares-Tomasene Kultur Etxea-rentzat.

Ez zegoen aurrez ikusterik Kultur Etxeak Garbera merkataritza-gunearen galerietara eraman zituen 26 argazkien arrakasta. Kasu horretan, Garbera inguruak 50ko hamarkadan zuen itxuraren irudi bat izan zen aitzakia erakusketa sinple hori martxan jartzeko merkataritza-gunean.

Sendotze-urtea izan zen 2018a, eta hor mugarri gertatu ziren **Altzarock** eta **Heavy Jaia** musika-jaialdiak zein **Casares Irratiaren** dinamika; esate baterako, **Hamaika entzuteko!!**, zeinaren buruan irrati-antzerki polit bat eman baitzen Victoria Eugenia Antzokiko Klub aretoan.

2018an, Casares-Tomasene eta Larratxoko kultur etxeetan, jarraipena izan zuten auzoko elkarte eta erakundee-kin lankidetzan egindako jarduerak eta aurrez ziren programazio-ildoak finkatzeak. Aldi berean, ikus-entzule-ria berriak bilatu dira.

Arte eszenikoei dagokienez, helduentzako antzerki-lanak izan genituen, hala nola **Histrión Teatroyen Lorca** edo **ATX teatroaren 7ak bat**. Azken hori, gainera, Larratxo Kultur Etxean egindako egoitzaldian gartu zen, bai eta hantxe estreinatu ere. Orobat, formatu txikiko zenbait lan eman ziren Altzako taberna batzuetan, **Poltsiko Antzerkiko Jaialdian**.

Haurrentzako antzerkiak, ohi bezala, leku nabarmena izan zuen programazioan. **Larratxon**, lan hauek eman ziren: **Borobil Teatroaren Gu**, **La Baldufaren Pinocchio**, **Zum Zum Teatrearen Zapata kaxa batean bizi zen neskatoa**. Formatu txikiko beste batzuk Tomasenen eman ziren; esa-

te baterako, **Zirika Zirkusen Ondo-rengoak**.

Gainera, **Kale Antzerkiaren** zikloan, zenbait lan eman ziren auzoetako jaia- zirela eta. Guztira, zazpi lan, haurrentzat zein helduentzat. Nabarmentze-koak, **Markeliñe** taldearen **Chef Nature** eta **Trapu Zahararen Sefini**.

Bestalde, zenbait jarduera izan ziren hiriko jaialdien barruan. **Olatu Talka-**ren barruan, esate baterako, **Made in Altza** film laburren jaialdia egin zen; Haurtxokoen sareko haurrek **Izarrak Plazaran** hartu zuten parte; eta **Donostia Kulturako** arte eszenikoen ikastaroetako ikasleek erakustaldia egin zuten. **Literaktumen** baitan, sola-



Reyes Monforte eta Alicia San Juan, Literaktum



Ovarios, Emakumeen Astea



Euskal Metal Fest

saldi interesgarria izan genuen **Reyes Monforte** eta **Alicia San Juanekin**, bai eta aipatu ditugun **Poltsiko Antzerkiko Jaialdiko** ikuskizunak ere.

Auzoko elkarte eta erakundeekiko lankidetzak fruitua ekarri zuen, ohi bezala, zenbait programa eta ziklotan. **Elkartea Berri**, **Ostadar** eta **Uztai Belar** elkarteekin, **Altzako XXXIII. Emakume Astea** antolatu genuen. **Naturaldiaren** seigarren edizioa egin zen, halaber, **Altzako Historia Mintegia**, **Aranzadi** eta **Harri Berri-Oleta ikastetxeko guraso-elkartearekin** lankidetzan. Ikastetxe horrek hartu zuen parte **Hezkuntza Jardunaldien** seigarren edizioaren antolakuntzan. Ziklo horren gai nagusia **bullyinga** izan zen, eta, besteak beste, hitzaldi interesgarria eman zigun **José Antonio Marina** filosofo eta pedagogo ospetsuak.

Beste urte batez, **Bertso Astea** antolatu zen, hori ere auzoko zenbait eragilarekin batera. Oraingo honetan, bi emankizun izan ziren, bertsoak eta beste arte-diziplina batzuk nahasten zituztenak: **Erradikalak gara** eta **Ez da kasualitatea**. Orobat, **Titika Rekalt**-en argazki-erakusketa bat egin zen, **Sustrai Colinaren** testuez lagundua.

Kontzertuak 2018ko musika-programazioaren osagarri garrantzitsua izan ziren. **Euskal Metal Fest** eta **Zombie Jaialdia** egin ziren, eta talde hauek hartu zuten parte, besteak beste: **Muro**, **Aiumeen Basoa**, **Beyond Creation** eta **Tygers of Pan Tang**. Beste behin ere **Heavy Jaia** beteranoaz gozatzeko aukera izan genuen. 16. edizioan, **Tierra Santa** banda errioxarra izan zuen kartelburu. Urteari amaiera emateko **Altzatarock**, zeinean **Etsaiak Eroak**, **Mendeku Itsua** eta **Kudai** bandek jo baitzuten; eta **Gabonak in Hell**, talde nagusia **Hardline** zela.


2018an ere iritsi zen Altzara Abesbatzen zikloa, oraingoan **Mikrokosmos**

abesbatza frantsesaren eskutik, zeinak txora-txora egin baitzituen ikus-entzuleak ekitaldi original bezain kalitatezkoari esker.

Hileko Dokumentalak, 2017an martxan jarritako zikloak, jarraipena izan zuen 2018an ere, eta gai interesgarriak eta askotarikoak jorratu zituen, hala nola etxeko hezkuntza, klimaldaketa, indarkeria matxista edota eliteko kirolaren eskakizun izugarriak. Bestalde, 2018ko prestakuntza-eskaintzak jendearen harrera ona izan du beste behin ere. Nabarmenezkoa zenbait profesionalen parte hartzea: **Maidor Gorostegi** (*Jugando con la voz*), **Forki** eta **Sergio Errasti** (irratia). Gurekin izan genuen **Avelino Carras-**



José Antonio Marina, hitzaldia. Heziketa Jardunaldiak



Maider Gorostegi

co zeramikagilea ere, zeinak **terra sigillata** direlakoan ikastaro intentsiboa eman baitzuen.

2018an, **Casares Irratiaren** programazioak **24 espazio** izan zituen; horietatik, bederatzi **Arrosa** sarearen bitartez eman ziren, eta **hamabost Casaresen** ekoitzi zituzten irrati-tailerrean parte hartu zuten pertsonak, zenbait kolektibok, irrati-ko lantaldeek eta zenbait departamenturen arteko lankidetzak.

Gainera, **Hamaika entzuteko!!** irrati-piezen lehiaketaren bostgarren edizioa antolatu zen, zeinaren helburua irrati-piezatxoak produzitzen eta zabaltzen laguntzea baita. Sari-banaketakoko ekitaldia **Victoria Eugenia Antzokiko Klub Aretoan** egin zen, eta ekitaldi hartan irrati-antzerkiko lan bat eman zen zuzenean. Hain zuzen ere, **El sueño de las manos rojas**, **Bram Stoker**ren kontakizun bat, **Inko Martín**ek egokitu eta zuzendua, eta **Mikel Ibañez** eta **Santi Calzadak** interpretatua.

Altzako Tokiko Bildumak bere lanean jarraitu zuen, hots, dokumentuak katalogatzen eta digitalizatzen eta kontsulta-zerbitzua eskaintzen. 16.883 dokumentu katalogatutik osatzen dute funtsa, eta, horietatik,

13.076 Internet bidez kontsulta daitezke. Dokumentuon zabalkundea asko areagotu da 2018an, hiru alderditan batez ere: **www.altza.info** webgunean %26 gehitu da erabiltzaile-kopurua, eta %44 bisita-kopurua; ugalduegin dira, halaber, kontsultak, bai **Casaresen** bertan eginak eta bai posta elektronikoz eginak; eta nabarmentzekoa da azaroan **Garbera** merkataritza-gunean egindako erakusketa ere.

Liburutegi-zerbitzuan, finkatu egin dira 2017. urtearen hondarrean martxan jarritako jarduerak: **Liburu Baby Kluba** eta **Literatur txokoa**; jende gehiagok hartu du parte bietan. Orobat, haurren eta gazteen artean irakurketa bultzatzeko xedez, Donostiako udal liburutegi-sarearen **Liburuka** proiektuan hartu genuen parte, bi jarduerarekin: **Irakurle Gazteak** eta **Motxila Txikia**, biak ere Tomaseneko liburutegian eta Larratxokoan. Bi liburutegietan, oso harrera ona izan dute jomuga duten jendearen aldetik.

Plus 55 programak goraka jarraitu du, azken urteetan bezala, erabil-tzaileei eskainitako arretaren aldetik. Egindako jarduerak harrera ona izan zuten, eta erreferente garrantzitsua izan ziren auzoko nagusientzat.



Zerakima Erakusketa

CASARES-TOMASENE
KULTUR ETXEA

JARDUERAK		
	KOPURUA	ERABILTZAILEAK
GUZTIRA	495	15.516
Antzerkia	19	2.361
Dantza	1	200
Musika	5	670
Zinea	19	404
Hitzaldiak eta mahai inguruak	14	499
Erakusketak	51	687
Bilerak eta elkarteen ekitaldiak	223	8.113
Liburutegiko jarduerak	111	1.201
Plus 55	32	970
Olatu Talka	4	190
Beste: Tailerrak (Artista gazteak + Zientziarekin jolasean)	16	221
ZERBITZUAK		
	ERABILTZAILEAK	WEB ERABILTZAILEAK
GUZTIRA	118.032	
Casareseko bisitariak	44.440	
Tomaseneko bisitariak	69.463	
Casares Irrratia	509	7.829
Altzako Tokiko Bilduma	314	73.497
Kzgunea (nabegazioa+IT txartelak)	3.306	

Prestakuntza **EMAKUMEAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	89	619	19	112	44	420
2017/18 ikastaroak	34	285	11	69	23	216
2018/19 ikastaroak	29	247	8	43	21	204
Kzgunea	26	87				

Prestakuntza **GIZONAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	89	316	20	70	44	190
2017/18 ikastaroak	34	129	11	32	23	97
2018/19 ikastaroak	29	119	9	38	21	93
Kzgunea	26	68				

BISITAK GUZTIRA ALTZAN: 154.043

CASARES K.E. TOMASENE LIBURUTEGIA LARRATXO K.E. LARRATXO LIBURUTEGIA

44.440

69.463

20.015

20.125

IKASTAROEN ERABILTZAILEAK GUZTIRA: 935

LARRATXO
KULTUR ETXEA

JARDUERAK		
	KOPURUA	ERABILTZAILEAK
GUZTIRA	344	13.766
Antzerkia	10	1.256
Dantza	7	930
Musika	9	1.485
Zinea	1	120
Hitzaldiak eta mahai inguruak	2	280
Erakusketak	4	920
Bilerak eta elkarteen ekitaldiak	265	5.545
Liburutegiko jarduerak	26	292
Plus 55	12	2.012
Olatu Talka	8	926
ZERBITZUAK		
	ERABILTZAILEAK	
GUZTIRA	40.140	
Larratxo K. E. Bisitariak	20.015	
Larratxo liburutegiko bisitariak	20.125	

Prestakuntza **EMAKUMEAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	8	157	2	34	6	123
2017/18 ikastaroak	3	53	1	14	2	39
2018/19 ikastaroak	5	104	1	20	4	84

Prestakuntza **GIZONAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	8	14	2	3	6	11
2017/18 ikastaroak	3	3	1	2	2	1
2018/19 ikastaroak	5	11	1	1	4	10

BISITAK GUZTIRA ALTZAN: 154.043

CASARES K.E. TOMASENE LIBURUTEGIA LARRATXO K.E. LARRATXO LIBURUTEGIA

44.440

69.463

20.015

20.125

IKASTAROEN ERABILTZAILEAK GUZTIRA: 935